


冊府元龜

二百六十一之三

七十九



漢	五	三	四	九
書	一	五	二	六
門	三	〇	〇	〇
類	冊	架	函	號

內	五	三	四	九
閣	三	〇	〇	〇
文	冊	架	函	號
庫	冊	架	函	號

內閣文庫			
番號	漢	5345	
冊數	300	(79)	
函號	365	6	



冊府元龜

漢書文庫

淮南李嗣京參閱

西極文翔鳳訂正

豫章黃國琦較釋

儲宮部 六

忠諫

褒寵

追謚

忠諫

傳曰父有諍子又曰從命不忿微諫不倦可謂孝乎
若乃奉冢祀之重居儲副之位義均休戚情兼隱犯
其或政令之非便舉動之過差而能內發至誠遠徵

冊府元龜

儲宮部

卷之三百六十一

古義周旋規切納君於善上以成愷悌之化下以慰人神之望茂毓明德誕彰令聞此蓋守噐之盛美信史之耿光也

周靈王之時穀維關將毀王宮穀維二水名關者雨水裕有似於關維在

王城南穀在城北毀王之城西南將及王宮王欲壅之不隳山不崇藪欲壅防穀水使北出也太子

晉諫曰不可聞古之長民者長猶君也不隳山不崇藪崇高

也澤無水不防川防制也不竇澤澤居水也竇陂也不

夫山土之聚也藪物之歸也物所為歸川氣之道也道達也

澤水之鍾也鍾聚也夫天地成而聚於高歸物於下山高

陵也下疏為山谷道其氣也疏通陂塘汗庫以鍾其藪澤也

美畜水曰陂唐隄也美謂滋閏也是故聚不阨壤而物有所歸大曰壤小

阨曰氣不沉滯而亦不散越沉伏滯積越遠也是以民生有財

用而死有所葬物有所歸故所有財用無昏夭札瘥

之憂而無饑寒乏匱之患短折曰夭在或曰昏疫死曰札瘥病也故上

下能相固以待不虞古之聖王唯此之慎昔共工棄

此道也顓頊氏襄共工氏侵凌諸侯與高辛氏爭為王也虞子湛樂虞安也湛淫也

淫失其身欲壅防百川隳高堙庫以害天下堙塞也高謂山

陵痺謂池澤皇天弗福庶民弗助禍亂並興共工用戚其

在有虞有崇伯鯀鯀禹父崇鯀國伯爵時在位而播言有虞者鯀之誅舜之為也

其淫心稱遂共工之過播於稱舉遂共之過者謂彰洪水者也堯用殛

之於羽山 殛誅也舜臣堯 殛鯀於羽山 其後伯禹念前之非度 法度

釐改制量 釐理也 釐度也 象物天地 取法天地之物象也 在天成象在地成形 共

之從孫四岳佐之 共共工也從孫昆弟之孫四岳官 各主四岳之祭為者侯伯佐禹助

禹治 水也 高高下下流川道滯 高高謂封崇九山下謂 陂障九澤流川決江疏河

道滯鑿龍 鍾水豐物 鍾聚畜水潦所 封崇九山 封大

門關伊闕 除其壅塞通其水泉使不隳壞是謂封崇九山 豐殖九

此謂宮九者皆九河之中山川澤藪障防也 豐殖九 殖長也 汨越九原 越揚 宅居九隩 隩內也九州之

合通四海 使之同軌 故天無伏陰 伏陰夏 有霜電 地無散陽 散陽 李晦

冬 實 水無沉氣 無伏積 之氣也 火無災燁 燁焱 起魏 神無間行 問行 姦詐

淫厲 之類 民無淫心 陰陽調財足用故 無淫候之心 時無逆數 四時寒 暑反逆

物無害生 螟蝗之屬 有害嘉穀 皇天嘉之祚以天下 祚 賜姓

日姒氏曰有夏 堯賜禹姓曰 姒封之有夏 謂其能以嘉祉殷富生

物也 以其能以善福殷富天下生 育萬物也 姒猶祉也 夏大也 祚四岳國命為侯

伯 堯以四岳佐禹有功封於 呂命為侯伯使長諸侯 賜姓曰姜 姜四岳之者 炎帝之姓 黃

帝世衰其後變易至四岳有後 帝後賜之祚使紹帝之後云 氏曰有呂 以國為 謂

其能為禹股肱心膂以養物豐民人也 以四岳能輔 成禹功比於

股肱心膂 呂之 此一王四伯豈繫名寵皆亡王之後

也 一王謂禹四伯四岳也言禹鯀之子禹郊鯀追王 之四岳共工從孫共工侵陵諸侯以自王言皆無

之與非因之 及其失之也必有悖淫之心間之 悖慢

嘉巧謂若繫之心代其 故亡其氏姓踣弊不振 踣僵也 振救也

冊守元龜 儲官部

卷之三百六十一

絕後無主

無祭主也

堙替隸圉

堙下替廢隸隸役也圉養馬者

夫二亡者

豈緊無寵皆黃炎之後

蘇黃帝之後共工炎帝之後

及其得之也

必有忠信之心間之

以忠信代信堙也

度於天地而順於時

動順四時之令而動

和於民神而儀於物則故高朗令終顯

融昭明

朗明也終成也融長也

命姓受氏而附之以令名

附隨也

其興者必有夏呂之功焉其廢者必有共鯀之敗焉

今吾執政無乃實有所避

避違也

而滑夫二川之神

滑音

骨亂也

使至於爭明以防王宮

明精氣也

王而飾之無乃不

可乎人有言曰無過亂人之門

亂人狂悖怨亂之人也過其門干其怨也

又曰佐饑者嘗焉佐鬪者傷焉又曰禍不好不能為

禍借財色之大生於好也

詩曰四牡騤騤旗旒有翩亂生不夷

靡國不泯

騤騤行貌鳥準曰旗龜蛇曰旒翩翩搖動不休之意夷平靡無泯滅也厲王好行征

伐用兵不得其所禍亂不平無國而不滅

又曰民之貪亂寧為荼毒

寧安荼苦

也言民疾王之虐貪樂禍亂安為苦毒之行

王將防鬪川以飾害是飾亂

也佐鬪也其無乃章禍且遇傷乎自我先王厲宣幽

平而貪天禍至於今未弭

此四王父子相繼厲暴虐而修怨宣不務農而料民

孫王室其愈卑乎其若之何詩云殷鑒不遠在夏后

之世

謂湯伐桀

將焉用飾害其以微亂也度之天神則非

祥也比之地物則非義也類之民則則非仁也方之

時動則非順也咨之前訓則非正也

時動非順謂觀逆四時之令

之詩書與民之憲言

詩書亂生不亮之屬民之憲言無過亂人之門則皆亡

王之為也夫事大不從象小不從文

象天象也上非文詩書也

天刑下非地德

刑法也德和也

中非民則方非時動而作之

必不節矣作又不節害之道也王卒壅之

漢元帝初為太子柔仁好儒見宣帝所用多文法吏

以刑名繩下

申子學號刑名者以名責實尊君卑臣崇上抑下宣帝好觀其君臣篇繩謂彈

之治

大臣揚暉蓋寬饒等坐刺譏辭語為罪而誅太

子嘗侍燕從容言陛下持刑太深宜用儒生宣帝作

色曰漢家自有制度本以霸王道雜之柰何純任德

教用周政乎

姬周之政

且俗儒不達時宜好是古非今使

人眩於名實

眩舌視也

不知所守何足委任乃嘆曰亂我

家者太子也

後漢明帝初為皇太子光武每旦視朝日晏乃罷數

引公卿郎將講論理道夜分乃寐太子見帝勤勞不

怠承間諫曰陛下有禹湯之明而失黃老養性之福

願願愛精神優游自寧帝曰我自樂此不為疲也

吳孫登為太子時留鉏武昌後弟慮卒大帝為之降

損登晝夜兼行到穎卿自聞即時召見見帝悲泣因

諫曰慮寢疾不起此乃命也方今朔土未一四海喁

喁天載陛下而以下流之念減損大官殺饌過於禮制臣竊憂惶帝納其言爲之加膳時帝信任較事呂壹壹性苛慘用法深刻登數諫帝不納大臣繇是莫敢言後姦罪發露伏誅帝引咎責躬赤烏四年太子卒臨終上疏曰臣以無狀嬰抱篤疾自省微劣懼卒隕斃臣不自惜念當委離供養埋瘞后土長不復奉望宮省朝覲日月生無益於國死貽陛下重戚以此爲哽結耳臣聞死生有命長短自天周晉顏回有上智之才而尚天折况臣愚陋年過其壽生爲國嗣没享榮祚於臣已多亦何愁恨哉方今大事未定逋寇

未討萬國喁喁係命陛下危者望安亂者望治願陛下棄忘臣身割下流之恩修黃老之術篤養神光加羞珍膳廣開神明之慮以定無窮之業則率土幸賴臣死無恨也皇子和仁孝聰哲德行清茂宜早建置以繫民望諸葛恪才略博達器任佐時張休顧譚謝景皆通敏有識斷入宜委腹心出可爲爪牙范鎮華融矯矯壯節有國士之風羊銜辯捷有專對之材刁畜玄優弘志履道真裴欽博記翰采足用蔣修虞翻志節分明凡此諸臣或宜廊廟或任將帥皆練時事明習法令守信固義有不可奪之志此皆陛下日月

所炤選置臣宮得與從事備知情素敢以陳聞臣重
惟當今方外多虞師旅未休當厲六軍以圖進取軍
以人爲重衆以財爲寶竊聞郡縣頗有荒殘民物彫
斃姦亂萌生是以法令繁滋刑辟重切臣聞爲政聽
民律令與時推移誠宜與將相大臣詳擇時宜博采
衆議寬刑輕賦均息力役以順民望陸遜忠勤於時
出身憂國蹇蹇在公有匪躬之節諸葛瑾步騭朱然
全琮朱據呂岱吳粲關澤嚴峻張承孫怡忠於爲國
通達治體可令陳止便宜蠲除苛煩愛養士馬撫循
百姓五年之外十年之內遠者歸復近者盡力兵不

血刃而大事可定也臣聞烏之將死其鳴也哀人之
將死其言也善故子囊臨終遺言戒時君子以爲忠
愷况臣登其能已乎願陛下留意聽采臣雖死之日
猶生之年也旣絕而後書聞大帝益以摧感言則隕
涕

孫和爲太子時有司頗有條書問事和以爲姦妄之
人將因事錯意以生禍心不可長也表宜絕之時諸
葛豐僞叛以誘魏將諸葛誕大帝潛軍待之和以帝
暴露外次又戰者凶事常憂勞惜怛不復會同飲食
數上諫戒令持重務在全勝帝還然後敢安

梁昭明太子統武帝大通二年春詔遣前交州刺史王弁假節發吳及吳興信義三郡民丁就役太子上疏曰伏聞當發王弁等上都三郡民丁開漕溝渠導泄震澤使吳興一境無復水災誠矜恤之至仁經畧之遠旨暫勞永逸必獲後利未萌難覩竊有愚懷所聞吳興累年失收民頗流移吳郡十城亦不全熟唯義興去秋有稔復非常役之民卽東境穀價猶貴竊盜屢起所在有司皆不聞奏今征戍未歸疆丁疎少此雖小舉竊恐難令吏一呼聞動爲民蠹出丁之處遠近不等皆得齊集已妨蠶農去年稱爲豐歲公私未至足食如復今茲失業慮爲弊更深且草竊多伺候民間虛實若善人從役則抄盜彌增吳興未受其益內地已罹其弊不審可得權停此功否伏望聖心垂矜黎庶神量久已有在臣意見庸淺不識事宜苟有愚心願得上啓帝優詔諭焉

簡文帝爲太子時高祖銳意儒雅疎簡刑法自公卿大臣咸不以鞠獄留意姦吏招權巧文弄法貨賄成市多致枉濫大率二歲刑已上歲至五千人是時從居作者俱五任無任者著斗械若疾病權解之是後囚徒或有優劇太子在春宮視事見而愍之乃上疏

曰臣以此時奏勅權視京師事竊見南北郊壇材官軍府大官下省佐裝等處並啓請四五歲已上輕囚助充使役自有刑均罪等憊目不異而甲侍錢署乙配郊壇錢署三所於事爲劇郊壇六處在役則優令聽獄官詳其可否舞文之路自此而生公平難遇其人流舞易啓其齒將恐玉科重輕全關墨綬金書去取更繇丹筆愚謂宜詳五條制以爲永准高祖手勅報曰頃年以來處處之役唯資徒謫遂急充配若科制繁細義同簡絲切湏之處終不可得引例興訟紛紜方始防杜姦巧自是爲難當更別思取其便也

隋房陵王勇初爲皇太子時高祖以民流冗遣使案簡又欲徙民北實邊塞勇上書諫曰竊以導俗當漸非可頓革戀土懷舊人之本情波迸流離蓋不獲已
有齊之末主闇時昏周平東夏繼以威震民不堪命致有逃亡非厭家鄉願爲羈旅加以去年三方逆亂賴陛下仁聖區域肅清鋒刃雖屏瘡痍未復若假以數歲沐浴皇風逃竄之徒自然歸本雖北夷猖獗嘗犯邊烽今城鎮峻峙所在嚴固何待遷配以致勞擾臣以庸虛謬當儲忒寸誠管見輒以塵聞帝覽而嘉之遂寢其事是後政不便多所損益帝每納之

唐高宗初爲太子時太宗嘗怒苑西面監穆裕農圃不修命於朝堂斬之侍臣戰悚莫敢進言太子諫之曰人者有生最靈一死不可復活命卽殺之理恐未盡請付法推鞠太宗意解乃笞而釋之司徒長孫無忌進曰自古太子諫其君父者周王子晉漢明帝吳孫登等承間而言事非倉卒今日陛下發天威之怒太子申犯顏之諫斯誠四海之福古今未有太宗曰堯師務成舜師尹壽殷宗周文皆有請益自朕御天下虛心正人卽有魏徵朝夕納諫自徵云亡劉洎繼之太子幼在膝前每見規諫者朕嘗心其言染以成

性故有今日之規耳

太子弘高祖第五子也總章中勅征遼軍人逃亡限內不首及更有逃亡者身並處斬家口沒官太子上表諫曰竊聞背軍之人身不出家口皆擬沒官亦有限外出首未經斷罪諸州囚禁人數致多或臨時遇病不及軍伍緣茲怖懼遂有逃亡或因採樵被賊抄掠或度船來去漂沒滄波或深入賊庭有被傷殺軍法嚴重皆須給僦若不給僦及因戰亡卽同隊之人兼合有罪遂有無故死失多注爲逃軍旅之中不暇勘當直據隊司通狀將作真逃家口令摠沒官論

情寔可哀愍書曰與其殺不辜寧失不經伏願逃亡之家免其配沒詔從之

上元三年左威衛大將軍權善才右監門衛中郎將范懷義並爲斫昭陵栢木高宗將殺之太子抗疏善才等嘗預蕃寮先經驅策期於矜貸帝從之善才僅免死除名懷義配流桂州昭陵令孔禎以不能簡察免官

順宗初爲太子於父子間慈孝交結無嫌每以天下爲憂

德宗在位稍久不假宰相權而左右得緣用事外則裴延齡李奇運韋渠牟等以姦佞相次進用延齡尤狡險判度支務刻剝聚斂自以爲功天下皆怨怒太子每進見候顏色輒言其不可及陸贄張滂李充等以毀譴朝臣懼懼諫議大夫陽城等伏閣極論德宗怒甚將加城等罪外無敢救者太子獨開解之城等賴以免德宗卒不相延齡渠牟者太子之力也德宗嘗泛舟魚藻宮觀水嬉命太子昇舟具皆飾以金碧丹青使婦人盛飾操篙楫行舟光彩瑛燭絲竹歌謳俱發德宗願謂太子曰今日如何對曰極盛退因以奢爲諫德宗不悅

貞元中中官多詐稱宮市肆奪人物百姓怨苦太子嘗以為言德宗雖不能悉聽用而心益賢重太子太子未嘗假借內官顏色居東宮二十餘年天下陰受其福

褒寵

傳曰太子奉冢祀社稷之粢盛以朝夕視君膳者聖人所以重宗廟社稷不忘天下也其有膺監撫之重茂溫文之德佩服前訓率繇善道日新之美既洽天性之愛益隆乃至冠服加其異數朝會申其殊制優錫無筭用財不會璽書褒其才智天章譽其仁孝斯

皆尊元良而貞邦本流簡素而揚懿烈者也

漢武帝為太子元帝嘗急召太子出龍樓門

樓上有銅龍若

白鶴飛廉之為名

不敢絕馳道

道天子所行道也若今之中道絕橫度也

西至直

城門

黃圖西出南頭第二門

得絕乃度入作室門帝遣之問其

故以狀對帝大悅乃著令令太子得絕馳道

南齊鬱王林昭業武帝時為皇太孫進封音吐甚有

美譽王侯五日一問訊武帝嘗獨呼昭業至幄座別

加撫問呼為法身鍾愛甚重

梁昭明太子統高祖長子天監十四年正月朔旦高

祖臨軒冠太子於太極殿舊制太子着遠遊冠金蟬

翠緘纓至是詔加金博山

唐廢太子承乾太宗長子貞觀十六年詔曰儲貳不
會自古嘗或近代以來多爲節限求之故實殊非事
宜自皇太子出用庫物所司勿爲限制皇太子承乾
抗表謝詔答曰汝家之冢嫡國之儲兩故有司命以
彰有殊入學齒胄則君臣之義也同之府庫實父子
一體也是以君子富而不驕謙而受益奢則不孫以
約失之者鮮矣勉思守道無煩致謝

高宗爲皇太子貞觀十八年十一月乙酉日南至皇
太子王公已下展賀於貞觀殿太宗曰朕一二年中

始見太子拜賀太子宗社之本四海所繫而治天資
仁孝內外傾服朕之此舉無愧於人神也十九年太
宗征遼班師十一月丙戌幸定州庚寅詔曰皇太子
愛敬所覃格於四海仁孝所感周於百姓自春監國
旣處定州首創德風在乎茲境所以事敬養之道有
隱無犯之情爰自中山流于率土地居宣化之本人
稟純孝之深有足可嘉特頒優異其定州晉內孝行
著聞者宜與宗姓老人同賜宴會二十年三月詔皇
太子斷决機務每間日聽政於東宮罷朝復侍寢間
嘗藥視膳不離左右乃於太宗寢殿側別置一院令

太子居焉

唐太子賢高宗第六子也咸亨三年立爲皇太子尋令監國賢處事明審爲時論所稱手勅褒之曰皇太子賢自頃監國留心政要撫字之道旣盡於哀矜刑網所施務存乎審察加以聽覽餘暇專精墳典往聖遺編咸窺壺奧先王冊府備討菁華好善載彰作禎斯在家國之倚深副所懷可賜物五萬段

中宗爲皇太子長安二年七月丙戌則天以時熱詔皇太子外朝令用扇障日太子抗表固讓優制不許肅宗爲皇太子天寶八年玄宗製仁孝詩六章札於

步障以賜太子令中官高力士以示朝臣宰相李林甫陳希烈等奏曰伏見太子生日撰仁孝詩障子并書臣等伏以宸章煥發睿札凝暉懸日月而齊光自雲霄而下濟驚心靡攄動色相歡太子稟自生知備承聖訓中姿有裕令望夙彰陛下示以義方形於翰墨爰於誕育之日授以仁孝之經上揚宗祖之美旁考天人之際錫賚所弘教養斯遠足可發揮前古垂範將來凡在衣冠之流咸知父子之道豈比周稱教喻還齒胄於上庠漢寵元良但招賢於上苑王化之本實此知歸人倫所資罔不申勸臣等愚陋謬典樞

衡特奉鴻私幸覩殊貺捧天書而竊抃仰聖澤以無
寧無任悅豫之至仍望具寫六章頒示中外兼編諸
簡策傳之不朽上手詔報曰詩者志之所之也將以
道達性情宣揚教義耳朕承五聖之業萬方之寄士
曾叶於神心元良貞於國本美其克踐仁孝恭修友
睦深慰於懷不覺形之諷詠今請具寫六章頒示中
外兼編諸簡策以傳不朽亦欲自家刑國以訓人倫
宜依來諸

追謚

古者諸侯薨則請行以賜謚矧夫明兩之位主器攸
重不幸奄忽震悼於宸極易名之典繇是行焉若乃
岐嶷天資溫文秉哲將正萬邦而降年不永適固宗
本而誣構及禍亦有嫉惡發憤矯命不勝遭世中圯
或罹兵難莫不申哀節惠追加寵數其或違背師訓
稔惡弗革干紀敗度罹於廢黜司籍所紀書法不隱
懲勸之義於斯見矣至於崇置園邑升列廟響亦并
叙之

漢戾太子據武帝長子元狩元年立為皇太子征和
二年以檀發長樂宮衛斬江充兵敗自頸於湖
城及太子孫卽位詔曰故皇太子在湖未有號謚歲
縣

時祀其議置園邑有司奏謚請曰謚者行之迹也皇

太子謚曰戾置奉邑二百家

吳太子登太帝長子赤烏四年薨謚曰宣太子

初葬
勾容

置園邑奉守如法後

三年改葬符陵

晉愍懷太子適惠帝長子即位立為皇太子元康九

年為賈后中遣廢為庶人幽於金墉城殺之及賈后

廢適子尚為皇太孫乃冊復太子曰嗚呼維爾少資

岐嶷之質荷先帝殊異之寵大啓土宇奄有淮陵朕

奉遵遺旨越建爾儲副以光顯我宗祇爾德行以從

保傅事親孝敬禮無違者而朕昧於凶構致爾於非

命之禍俾申生孝已復見於今賴宰相賢明人神憤

怨用啓朕心討厥有罪咸伏其辜何補于荼毒冤魂

酷痛我是用忉怛悼震動於五內今追復皇太子謚

曰愍懷

哀太孫臧愍懷太子子永康元年四月立為皇太孫

永寧元年廢被害大安初追謚曰哀

冲太孫尚愍懷太子子永寧元年立為皇太孫大安

元年薨謚曰冲

南齊文惠太子長懋武帝長子即位立為皇太子永

明十一年薨帝幸東宮臨哭盡哀詔歛以衮冕之服

謚曰文惠

梁昭明太子統武帝長子卽位立爲皇太子大通三年薨帝幸東宮臨哭詔歛以袞冕謚曰昭明

哀太子大噐簡文帝嫡長子卽位立爲皇太子大寶二年爲侯景所害承聖元年追謚曰哀

愍懷太子方矩元帝第四子帝承制拜爲王太子改名元良承聖元年卽位爲皇太子及江陵陷爲魏師所害敬帝承製追謚曰愍懷太子
後梁孝惠太子察宣帝長子帝初爲梁王立爲世子病卒及帝稱大號追謚孝惠太子

陳孝懷太子克高祖之子帝初封陳王立爲世子及受禪追謚孝惠

唐隱太子建成高祖長子武德九年以謀害太宗伏誅貞觀元年追封息王謚曰隱十六年詔曰昔戾園敗德西都表其號謚楚英干紀東漢錫其湯沐斯皆屈邦國之禁申骨肉之恩也息隱王地乃居長守噐運初自貽伊戚陷於禍難日月逾邁松檟成行朕嗣守鴻基頒尋遺烈何嘗不陟彼崗而靡觀瞻同株而疚懷恩備哀榮式加禮命可追復皇太子謚仍依前陵曰隱陵置令以下官并加戶守衛

太子弘高宗五子初封代王顯慶元年立爲皇太子
上元二年薨於合璧宮之綺雲殿詔曰朕肅承鴻緒
無忘馭朽之懷虔奉聖謨每切臨深之懼幸以穹昊
垂祐宗社降靈公卿盡叶贊之謀黎庶遂懷生之望
故得乾坤交泰日月休徵垂衣而晏九瀛端拱而家
六合方將廻鑾岫岫體高尚於軒皇脫屣汾川追逸
軌於伊后成功弗處思遵象帝之規守噐斯傳用申
知子之授皇太子弘生知誕質惟幾毓性肅敬著于
三廟仁孝聞於四海若使負荷宗廟寧濟邦家必能
永保昌圖克延景曆豈謂遽嬰露霧遂至彌留顧惟

輝掌之珍特切鍾心之念庶其痊復以禪鴻名及滕
理微和將遜於位而弘天資仁厚孝心純確旣承朕
命掩歎不言因茲感結舊疾增甚億兆攸係方崇下
武之基五福無徵俄速上賓之駕天性之重追懷哽
咽宜申徃命加以尊名夫謚者行之迹也號者事之
表也慈惠愛親曰孝死不忘君曰敬可謚爲孝敬皇
帝仍遵典故式備徽章布告遐邇使知朕意

神龍元年六月祔神主于大廟號義宗有司奏言義
宗孝敬皇帝昇太廟聯祖宗其名准禮合諱從之遂
改弘文館爲修文館弘福殿爲崇福殿號州弘農縣

為常農縣

章懷太子賢高宗第六子上元二年立為皇太子調
 露二年則天令人發其陰事廢於庶人遷於巴州卒
 中興初追贈司徒使迎其喪柩陪葬乾陵睿宗踐祚
 追贈皇太子曰章懷廟號陟崗懿德太子重閏中宗
 長子初生於東宮立為皇太孫聖曆初改封邵王大
 足元年為人所構則天殺之神龍元年追贈皇太子
 謚曰懿德

節愍太子重俊中宗第三子神龍二年立為皇太子
 三年矯制發左右羽林兵殺武三思及其子宗訓入

求韋庶人不克而死景雲元年制曰朕聞魯氏之孝
 也慈親惑於疑聽趙虜之族也明主哀而望思歷考
 前聞率繇舊典重俊大行之子元良守器往罹構間
 困於讒嫉莫顧鈇鉞輕盜甲兵有此誅夷無不悲惋
 今四凶咸服十起何追方申赤暈之寃以舒黃泉之
 痛可贈皇太子謚曰節愍陪葬定陵時大府少卿常
 濟上疏駁之不納

事具禮官
奏議門

廢太子瑛玄宗第二子開元三年立為皇太子二十
 五年為中書令李林甫所構廢為庶人賜死於城東
 驛寶應元年詔贈為皇太子



惠昭太子寧憲宗長子元和四年立為皇太子六年薨謚曰惠昭七年立廟在懷貞坊置官吏四時置享莊恪太子永文宗長子大和六年立為皇太子開成三年十一月薨謚曰莊恪十一月太常禮院奏莊恪太子准惠昭太子例合立廟請下有司從之

冊府元龜 淮南李嗣京參閱 西極文翔鳳訂正 豫章黃國琦較釋

冊府元龜

宗室部

總序

古者糾合宗族所以展親建立子孫用為夾輔故能庇於本根謂之藩屏分以寶玉禮之賑燔故孝悌之道達骨肉之恩厚焉雖復商周已往典籍靡全然其大抵亦可槩見昔者黃帝二十五子凡一十四姓故



其裔緒後世尤盛高陽氏生一子後世有才子八人
是曰八凱高辛氏生四子皆有天下後世有才子八
人是曰八元又黃帝之後有驩兜少昊之後有共上
顓頊之後有鯀雖帝者之胄而其德不類焉堯有庶
子九人舜亦有庶子其嫡子不立故庶子之封爵無
聞焉然自黃帝以迄舜禹皆同姓而異號則其宗枝
盛矣禹之後以國爲氏者凡十有三人蓋夏后氏有
扈氏有男氏斟尋氏彤城氏褒氏曹氏杞氏緡氏辛
氏冥氏斟氏戈氏焉其孫大康有弟五人號曰五觀
卽夏書所謂五子之歌者也湯之後以國爲氏者凡

七蓋商氏來氏宋氏空桐氏穉氏北殷氏自夷氏焉
其後帝乙正妃生三子微子微仲紂也庶妃生一子
箕子也紂生一子武庚也紂雖失國武庚雖不祀而
微子箕子皆聞於周焉周初封國八百而同姓者五
十有餘國詩謂周文王則百斯男經史所載正妃大
妣之子十人餘莫可知其國存者十六而已文武周
公之胄分封而受國者卽左氏所謂管蔡邶霍魯衛
毛聃郟雍曹滕畢原酆郟文之昭也邢晉應韓武之
穆也凡蔣邢茅胙祭周公之裔也秦氏分封以國爲
姓有徐氏鄆氏茗氏終黎氏運奄氏莒裘氏將梁氏

黃氏江氏修英氏白冥氏蜚庶氏始皇并有天下而子弟不得封建長子扶蘇及諸公子將間昆弟皆爲胡亥所殺故其祚殲焉漢制非劉氏不王皇子封王金璽蓋綬掌治其國高祖尊王子弟大啓九國連城數十景帝用晁錯削地之謀而吳楚七國皆叛及七國旣誅五年乃令諸侯王不得治國又以諸侯王疆土過制或僭差失軌而子弟爲匹夫輕重不相準於是制詔諸侯王或欲推恩分子弟邑者令各條上自是支庶畢侯矣然而藩國自折其後皇子始封者大國不過十餘城至於哀平之際皆繼體苗裔宗屬疎

遠不爲士民所尊勢與富室亡異後漢皇子爲王皆安車朱班輪青蓋畫轡文輶金塗故名曰王青蓋車赤綬四采長二丈一尺三百首皇孫綠車名曰皇孫車諸侯王法官屬傳相已下皆備鹵簿似京都官騎張弓帶鞬遮避出入稱課促封者受茅土歸立社稷爲宮室其列侯以肺腑在京都者亦隨時見食位在博士議郎謂之猥侯諸王皆就封東平王蒼以明帝母弟爲驃騎大將軍輔政後亦罷歸因其餘宗室以才能爲公卿者多矣晉制諸侯王青蓋車皇孫綠蓋車並駕三左右駢諸王有勲德者特加皂蓋車國初

諸王皆在京都咸寧中衛將軍楊珧與中書監荀勗以齊王攸有時望所歸懼有後難同追故司空裴秀立五等封建之旨共言於武帝以爲異姓諸將居邊宜參以親戚帝下詔議其制有司奏從制爲大國次國小國非皇子不得爲王而諸王之支庶亦各以土推恩受封其大國次國始封之王支子爲公所封王之支子爲侯繼承王之支子爲伯小國五千戶已上始封王之支子爲子不滿五千戶始封王之支子及始封公侯之支子皆爲男大國中國置三軍中軍二千人上下軍各千五百人次國二軍上軍二千人下

軍千人小國一軍其未之國大國置守土百人次國八十八小國六十人西晉諸王皆主兵臨州以威勢相陵干戈並構隊于屠滅盖有漸爾宋世諸王得白服裙帽出入齊閣唯太極四朝乃備朝服孝武以南郡王義宣亂逆繇於強盛欲削弱之江夏王義恭乃表諸省易九事有司附益凡成二十條聽事不得南向坐施帳并帷國官正冬不得跣登國殿及夾侍國師傳令及細戟公主妃傳令不得朱服輦不得重櫛鄣扇不得雉尾劍不得麈盧梨梨不得孔雀白弊夾鞞隊不得終襖平乘俱馬不得過二匹胡伎不得綵

衣舞伎正冬著袂衣不得粧面冬會不得鐸舞林長
躡秀狹舒劒博山綠大幢升五案自非正冬會奏舞
曲不得舞朱妃主不得著緹帶信幢非臺省官悉用
絳郡縣內史相及封內良長於其封君既非在三罷
官則不復追敬不合稱臣宜從下官而已諸嘗行車
前後不得過六隊白直夾轂不在其限刀不得過銀
銅爲飾諸王女封縣主諸王子孫襲封之王妃及封
侯者夾人行並不得鹵簿諸王子繼體爲王者婚葬
吉凶悉依諸國公侯之禮不得同皇弟皇子專非輶
車不得同油幢平乘舫皆下兩頭作露平形不得擬

象龍舟悉不得朱油帳鑄不得作五花及鑿筍形詔

可又王之世子金印紫綬進賢兩梁冠佩山王王支

子爲侯者食邑皆千戶南齊諸王遠遊冠玄纓

公臣並同

平冕各以組爲纓八流衣山龍九章纁朱綬者黃纁

緝金璽龜紐文四中郎將晉世庶姓爲之宋齊以來

以處諸王而劉氏蕭氏宗室諸子皆罹非命其傳爵

土蓋亦鮮矣梁制諸王皆假金虎符第一至第五佐

領使第一至第十其言曰令境內稱之曰殿下自稱

曰寡人並乘通幟平乘車其有勲德者亦時皆駕皂

輪車其封公侯者皆假銅虎符竹使符第一言曰教

境內稱曰第下自稱寡人國相以下公文上事皆詣
典書自諸王皇宗並青傘朱裏此雖云梁制然江右
相承有自來矣陳因梁制有親王嗣王藩王之別親
王起家則爲侍中皇太子冢嫡封王起家依諸王餘
子並封公起家中書郎諸王子并諸侯世子起家給
事江左承西晉諸王開國並以戶數相差爲大小三
品陳自永定訖於禎明唯衡陽王昌特加至五千戶
其餘不過二千小國至千戶後魏皇子封王宮室立
宗師州置三制刺郡置三太守縣至三令長其一以
望爲之北齊親王位列大司馬上多與梁制同其

封內之調盡以入臺二分食一隋制皇伯叔昆弟皇
子謂之親王乘通轆車初受冊入朝助祭親迎則服
袞冕青珠九旒九章嘗服則遠遊三梁冠黑介幘纁
朱綬長一丈八尺二百四十首自漢而下五輅之制
金象革木通得乘之但減旂章駕馬以爲等級自晉
親王公以下車服卑雜故不得乘馬唐制宗正寺掌
九族六親之屬籍以別昭穆之序凡五等親有昇降
皆立簿籍三年一遣凡大祭祀及冊命朝會之禮皇
親應陪位預會者亦爲宗皇弟兄皆封籍國謂之親
王王之子承嫡者謂之嗣王皇太子諸子並封郡王

王子承恩澤者亦封郡王諸子封郡公其嗣王郡王
 及特進王子孫承襲者降封國公舊制親王食封八
 百戶有至千戶高宗朝以沛縣三王武后所生食封
 逾於常制神龍初有封五千戶三千戶者相王封五
千戶衡王
封三開元之後明皇睦親以寧王最長封至五千五
 百戶岐薛愛弟著勲至五千戶申王家微至四千戶
 邠王以外枝至一千八百戶其後皇子封王者二千
 戶舊以七丁為限至是以三丁為限降封國公先是
 高祖受禪以天下未定廣封宗室以威天下皇從弟
 及姪年始孩童數十人皆封為郡王又文皇即位因

舉宗正屬籍以問侍臣尚書右僕射封德彝謂非至
 公之道於是宗室率以屬疏降爵為郡公唯有功者
 封王貞觀十年又詔諸王為代襲刺史都督俄又罷
 之文皇至高祖朝其親王有年雖長而不出閣者其
 出閣者皆為刺史都督上佐亦有為卿監將軍同正
 員開元之後有為大都護節度大使者皆不之任以
 副都護副大使典其事先天之後皇子幼則居內東
 封年以漸成長乃於安國寺東附苑城同為大宅分
 院居為十王宅令中官押之於夾城中起居每日家
 令進膳又引詞舉工書之人入教謂之侍讀十王謂

慶忠埭鄂榮光頴永延濟蓋舉全數其後盛儀壽陳
豐鎮涼六王又就封入內宅二十五年鄂光得罪忠
繼大統天寶中慶埭又歿唯榮儀等十四王居院而
府幕列於外坊歲時通名起居而已外諸孫成長又
於十宅外置百孫院每歲幸華清宮宮側亦有十王
院百孫院宮人每院四百餘人百孫院二四十人又
於宮中置維城庫諸王月俸物納之而給用諸孫納
妃嫁女亦就十宅中太子不居於東宮但居於乘輿
所幸之別院太子亦分院而居婚嫁則同親王公主
在於宗仁之禮院天寶之末祿山犯順得明皇之子

儀穎而下十一王及扈從其餘宗室多罹於兵難然
而天寶艱難之後宗室子弟賢而立功者唯鄭王曹
王子孫耳代宗大曆九年諸王皆幼多未封建大臣
奏議請封親王分領戎帥以威天下於是皇子勝衣
者盡加王爵而不出閣建中初詔親王子弟帶開府
朝秩者出就本班自先天兵興之後皇族子弟皆散
棄無位或流落他縣湮沉不齒無異匹庶及德宗卽
位叙用枝屬公族長幼莫不悲感將有大禮必與諸
父昆弟同其齋沐五代之制大約遵於唐室夫以託
霄極之尊依蘿圖之盛承本枝之蕃茂膺盤石之疏

封是日君宗成居屬籍雖親疎之節著於字人而善惡之名紀乎惇史或以德行振或以才藝升或以悖逆廢或以荒怠黜或以猜忌擯或以至親顯並著之簡編垂夫龜鑑見善善之有因惡惡之無爽也凡宗室部四十二門

封建

太史公稱封建之制商氏以前尚矣周監二代列爵五等三聖之法厥用垂世詩云懷德惟寧宗子維城豈徒敦叙宗黨推廣仁愛蓋欲其枝葉相持臂指易夏犬牙交錯磐石彌固者爾然而俗有淳漓道或消

長泥於古者未為通變故秦據勢勝專宰疆理矯枉過正蕩滅禮義炎漢建業大啓藩垣既失厥中流濫致溢先儒之論蓋亦多矣自茲已降或沿或革究其始終隨時疆弱天之視聽在民耳目深根忠附匪特於茲若夫展親睦族典章優渥雖或不以德舉亦疆幹作翰之旨也

舜踐帝位封弟象為諸侯

封之有庫在零陵今庫亭是

夏少康封

庶子

史闕其名

於會稽以奉守禹之祀

周武王克商平天下封功臣昆弟於是封叔鮮於管

管在滎陽京師東北

封叔度於蔡二人相紂子武庚祿父治殷

遺民封叔旦於魯而相周為周公一云封周公旦於魯

為魯公臣欽若等曰周公留於王子伯禽執封封叔振鐸於曹封叔武於

成封叔處於霍叔封季戴皆求泰伯仲雍之後得周

章周章已君吳因而封之乃封周章弟虞仲於周之

北故夏虛在河東太陽縣是為虞列為諸侯

成王即位唐有亂周公誅滅唐成王與叔虞戲削桐

葉為珪以與叔虞曰以此封若史佚曰天子無戲言

言則史書之禮成之樂歌之於是遂封叔虞於唐在唐

河汾之東方百里周公既誅武庚殺管叔放蔡叔而分殷餘

民為二其一封微子啓於宋以續殷祀其一封康叔

封於衛又封季載於冉臣欽若等檢左傳管蔡邲霍魯衛毛帥邱雍曹滕畢豐邠

文之昭也邢晉應韓武之穆也凡蔣邢茅胙又封伯祭周公之裔也今據史記所封八國餘皆闕

禽於魯曰生以養周公死以為周公後

宣王二十二年封庶子弟友於鄭一云母弟即鄭桓公也

考王封其弟於河南是為桓公以續周公之官職

漢高祖六年十二月詔曰齊古之建國也今為郡縣

其後以為諸侯將軍劉賈數有大功及擇寬惠修潔

者主齊荆地正月丙午韓王信等奏請以故東陽郡

鄆郡吳郡五十三縣立劉賈為荆王以碭郡薛郡郟

郡三十六縣立弟文信君交為楚王壬子以雲中鴈

門代郡五十三縣立兄宜信侯喜為代王以膠東膠西臨淄濟北博陽城陽郡七十二縣立子肥為齊王賈高祖從父兄有功交高祖同父弟與蕭曹等俱從高祖入武關至霸上封文信君從入蜀還定三秦及即帝位嘗出入卧内高祖廢楚王信分其地為二國立賈為荆王交為楚王先有功也肥之母高祖微時外婦食七十餘城諸民能齊言者皆與齊齊最為大國以海内初定子弟少感秦孤立亡藩輔故大封同姓以鎮天下

七年十二月匈奴攻代代王喜棄國自歸雒陽赦為

合陽侯立子如意為代王是年封兄子姓為頡羨侯十一年十二月封兄子濞為沛侯

正月詔曰代地居嘗山之北與夷狄邊趙乃從山南有之遠數有胡寇難以為國頗取山南太原之地益屬代代之雲中以西為雲中郡則代受邊寇益少矣王相國通使吏二千石擇可立為代王者燕王給相國何等三千三十人皆曰子某文帝名賢知温良請立為代王都晉陽

二月詔擇可以為梁王淮陽王者燕王綰相國何等請立子恢為梁王子友為淮陽王罷東郡頗益梁罷

潁州郡潁益淮陽

七月詔王相國擇可立為淮南王者郡臣請立子長為王

十二年十月詔曰吳古之建國也日者荆王兼有其地今死亡後朕欲立吳王其議可者長沙王臣等言沛侯濞重厚可立為吳王初黥布反高祖自將往誅之濞年二十以騎將從破布軍高祖患吳會稽輕悍無狀王填之諸子少乃立濞

十一月封兄子廣為德侯

二月詔諸侯王議可立為燕王者長沙王臣等

臣者長沙

王吳濞之子請立子建為燕王

高后元年立惠帝後宮子強為淮陽王不疑為嘗山

王弘為襄城侯朝為軹侯武為壺關侯

一云皆呂氏子

二年五月封楚元王子郢為下邳侯齊悼惠王子章

為朱虛侯

六年四月封齊悼惠王子興居為東牟侯

七年正月立管陵侯劉澤為琅邪王

澤高祖從祖昆弟

文帝元年十二月立趙幽王子遂為趙王徙琅邪王

澤為燕王呂氏所奪齊楚地皆歸之二年三月有司

請立皇子為諸侯王詔曰前趙幽王幽死朕甚憐之

已立其太子遂為趙王遂弟辟疆辟疆言辟禦強梁者一云辟強言關

土地也衛侯朝于周周行人問其名衛侯曰辟疆行人還之曰敬疆天子之號也諸侯弗得用更其名曰

燧其義兩及齊悼惠王朱虛侯章東牟侯興居有功

說並通 可王乃遂立辟疆為河澗王章為城陽王興居為濟

北王固立皇子武為代王參為太原王楫為梁王

四年九月封齊悼惠王子十人為列侯罷軍為管侯甯國為吳丘

侯信都為營平侯安為楊丘侯將閭為揚虛侯辟光為初侯志為安都侯印為平昌侯賢為武成侯維梁

為白石侯八年五月封淮南厲王長子四人為列侯安為阜陵侯勃為安

陽侯賜為陽周侯良為東城侯

十六年五月立齊悼惠王子六人安都侯志為濟北王初侯辟光為濟

南王武城侯賢為菑川王平昌侯印為膠西王白石侯維梁為膠東王

淮南厲王子三人阜陽侯安為淮南王安陽侯勃為衡山王陽周侯賜為廬江王皆

為王

景帝元年四月封元王寵子五人禮為平陸侯富為

林侯歲為沈猶侯王子侯表屬千乘高苑執為宛胸侯調為棘

樂侯

二年三月立皇子德為河間王闕為臨江王餘為睢

陽王非為汝南王彭祖為廣川王發為長沙王發母

唐姬故程姬侍者景帝召程姬程姬有所避不願進

冊府元龜 宗室部 卷之三百六十二 十三

謂月而飭侍者唐兒使夜進上醉不知以為程姬而

幸之遂有身已乃覺非程姬也及生子因名曰發長沙

王生乃發將已以其母微無寵故王卑涇貧國

三年立皇子端為膠西王勝為中山王是年吳楚反

膠西王菑川濟南發兵應圍齊孝王將閻意陰與三

國通漢將藥布擊破三國兵齊孝王懼飲藥自殺帝

以為齊首善以迫劫有謀非其罪也召立孝王太子

壽是為懿王衡山王勃堅守無心吳楚破來朝帝勞

苦之日南方卑涇徙王於齊北以褒之

七年十一月封故皇子越為廣川王寄為膠東王

五年五月立皇子舜為嘗山王封梁孝王子買為乘

氏侯明為桓邑侯

六年四月梁孝王薨竇太后泣極哀不食帝哀懼不

知所為與長公主計之迺分梁為五國盡立孝王子

男五人為王乘氏侯買為梁王桓邑侯明為濟川王彭離為濟東王定為山陽王不識為濟

王陰

冊府元龜

冊府元龜 宗室部

卷之三百六十二

冊府元龜 封建 卷之三百六十二

漢武帝元光五年正月封河間獻王子明為滋侯

六年七月封長沙定王子蒼為安誠侯成為宜春侯

黨為勾容侯福為容陵侯

九月封楚安王子成為杏山侯不害為浮丘侯

冊府元龜

淮南李嗣京參閱

西極文翔鳳訂正

豫章黃國琦較釋

宗室部

封建第二

漢武帝元光五年正月封河間獻王子明為滋侯

六年七月封長沙定王子蒼為安誠侯成為宜春侯

黨為勾容侯福為容陵侯

九月封楚安王子成為杏山侯不害為浮丘侯



元朔元年十月封魯恭王子將節為廣戚侯

十二月封江都易王子敢為丹陽侯蒙之為盱眙侯

正月封江都易王子胥行為胡敦侯 為秣陵侯定

國為淮陵侯

二月封梁恭王子仁為張梁侯

五月封菑川懿王子代為龍丘侯錯為劇原侯高遂

為懷昌侯賞為平望侯始昌為陵眾侯寬為葛魁侯

胡為益都侯疆為平的侯黑為劇魁侯守為壽梁侯

行為平度侯偃為宜城侯奴為臨胸侯封城陽恭王

弟稀為云侯子吉為陳莞侯壯為辟土侯六月封趙

敬肅王子丙為尉文侯胡陽為封斯侯受福為榆丘

侯建為襄嶢侯仁為邯會侯義為朝節侯遺為東城

侯蒼為陰城侯中山靖王子忠為廣望侯朝平為將

梁侯未央為薪館侯貞英為陸城侯嘉為薪處侯

二年十月封廣川惠王子嘉為蒲領侯明為西熊侯

晏為棗疆侯嬰為畢梁侯河間獻王子殷為旁光侯

句為距陽侯退為萇節侯豫為阿武侯免為參戶侯

禁為州鄉侯杞為平城侯順為廣平侯讓為蓋胥侯

濟北貞王子不害為陰安侯騫為榮關侯何為周望

侯則為陪繆侯信為前侯

前或作敬

樂為安陽侯濟北式



王子曜丘為五摠侯龍為富侯遂為平侯成為羽侯
楚為胡毋侯

正月封代恭王子綰為離石侯順為邵侯嘉為利昌
侯罷軍為簡侯賢為臨河侯忠為隰成侯郢客為士
軍侯遷為臯琅侯遇為千章侯

三月封齊孝王子就為博陽侯魯恭王子恬為寧陽
侯政為穀丘侯順為公丘侯驕為都根侯敬為西昌
侯中山靖王子義為陸地侯趙敬肅王子順為邯平
侯

四月封趙敬肅王子昌為武始侯賀為象氏侯平為

易安侯

四年三月封長沙定王子童為路陵侯則為攸輿侯
訢為茶陵侯拾為建成侯月為安眾侯善為葉平侯
城陽恭王子嬰為利鄉侯釘為有利侯慶為東平侯
記為運平侯齒為山州侯福為海嘗侯寬為騶丘侯
貞為南城侯裘為廣陵侯鼻為杜原侯

四月封中山靖王子光為樂臨侯章為東野侯喜為
高平侯頗為廣川侯河間獻王子擔為重侯齊孝王
子燕為被陽侯越為定敷侯定為稻夷侯國為山原
侯忠為繁安侯陽已為柳亭侯信為雲夷侯濞為牟

平侯代爲崇原侯

五年十一月封趙敬肅王子終右爲栢暢侯延平爲歙安侯

三月封中山靖王子將夜爲乘丘侯破胡爲高丘侯蓋爲柳宿侯讓爲戎丘侯修爲樊輿侯惔爲安道侯長沙定王子義爲夫夷侯

六月封長沙定王賈爲舂陵侯定爲都梁侯狩爲洮陽侯燕賢爲衆陵侯

六年四月封衡山陽王子廣置爲終弋侯元狩二年七月封膠東王寄少子慶爲六安王

六年三月乙亥御史臣光守尚書令丞非下御史書到言丞相臣青翟御史大夫臣湯太嘗臣充大行令臣息太子少傅臣安行宗正事昧死上言大司馬去病上疏曰陛下過聽使臣去病待罪行間宜專邊塞之恩慮暴骸中野無以報乃敢惟他議以干用事者誠見陛下憂勞天下哀憐百姓以自忘虧膳貶樂損郎員皇子賴天能勝衣趨拜至今無號位師傅宮陛下恭讓不卹群臣私望不敢越職而言臣竊不勝犬馬之心昧死願陛下詔有司因盛夏吉時定皇子位唯願陛下幸察制曰可下御史臣謹與中二千石臣

賀等議古者裂地立國並建諸侯以承天子所以尊宗廟重社稷也今臣去病上疏不忘其職因以宣恩乃道天子卑讓自貶以勞天下慮皇子未有號位臣青翟臣湯等宜奉議遵職愚僮而不達事方今盛夏吉時臣青翟臣湯等昧死請立皇子臣閔一作臣旦臣胥為諸侯王昧死請所立國名制曰蓋聞周封八百姬姓並列或子男附庸禮支子不祭云並建諸侯所以重社稷朕無聞焉且天非為君生民也朕之不德海內未洽乃以未教成者疆君連城卽股肱何勸一作教一作勸其更議以列侯家之丙子奏未央宮丞

相臣青翟御史大夫臣湯昧死言臣謹與列侯臣嬰中二千石臣賀諫議大夫博士臣安等議曰伏聞周封八百姬姓並列奉承天子康叔以祖考顯而伯禽以周公立咸為建國諸侯以相傳為輔百官奉憲諸侯各遵其職而國統備矣竊以為並建諸侯所以重社稷者四海諸侯各以其職奉貢祭支子不得奉祭宗祖禮也封建使守藩國帝王所以扶德施化陛下奉承天統明開聖緒尊賢顯公興滅繼絕續蕭文終之後於鄴褒厲群臣平津侯等昭六親之序明天施之屬使諸侯王封君得推私恩分子弟戶邑錫號尊



建百有餘國而家皇子為列侯則尊卑相踰列國失
 序不可以垂統於萬世臣請立臣閔臣旦臣胥為諸
 侯王三月丙子奏未央宮制曰康叔親屬有十而獨
 尊者褒有德也周公祭天命郊故魯有白牡駢剛之
 牲魯祭周公用牲白牡魯公用駢剛
 白牡殷牲也駢剛赤脊周牲也群公不毛不毛
 不純
 也賢不肖差也高山仰之景行嚮之朕甚慕焉所以
 抑未成家以列侯可臣青翟臣湯博士臣將行等伏
 聞康叔親屬有十武王繼體周公輔成王其八人皆
 以祖考之尊建為大國康叔之年幼周公在三公之
 位而伯禽據國於魯蓋爵命之時未至成人康叔後

扞祿父之難伯禽殄淮夷之亂昔五帝異制周爵五

等春秋三等

春秋變周之文從殷之質合伯子男
 以為一則殷爵三等者公侯伯也

皆

因時而序尊卑高皇帝撥亂世反諸正昭至德定海
 內封建諸侯爵位二等皇子或在襁褓而立為諸侯
 王奉承天子為萬世法則不可易陛下躬親仁義體
 行聖德表裏文武顯慈孝之行廣賢能之路內褒有
 德外討疆暴極臨北海西奏月氏匈奴西域舉國奉
 師輿械之費不賦於民虛御府之藏以賞元戎開禁
 倉以賑貧窮減戍卒之半百蠻之君靡不嚮風承流
 稱意遠方殊俗重譯而朝澤及方外故珍獸至嘉穀

興天應甚彰今諸侯支子封至諸侯王而家皇子為列辟臣青翟臣湯等竊伏熟計之皆以為尊卑失序使天下失望不可臣請立臣閔臣旦臣胥為諸侯王
祭未奏未央宮留中不下丞相臣青翟大僕臣賀行御史大夫事太嘗臣充太子少傅臣安國行宗正事昧死言青翟等前奏大司馬臣去病上疏言皇子未有號位臣謹與御史大夫臣湯中二千石諫議大夫博士臣慶等昧死請立皇子臣閔等為諸侯王陛下讓文武躬自切及皇子未教群臣之讓儒者稱其術或諄其心陛下固辭不許家皇子為列侯臣青翟等

竊與列侯臣壽成蕭何之玄孫贊保壽成後為太嘗也等二十七人議

皆曰以為尊卑失序高皇帝建天下為漢太祖王子孫廣支輔先帝法則弗改所以宣至尊也臣請令史官擇吉具禮儀上御史奏輿地圖他皆如前故事制曰可丙申奏未央宮大僕臣賀行御史大夫事昧死言太嘗臣充言卜入四月二十八日乙巳可立諸侯王臣昧死奏輿地圖諸所立國各禮儀別奏臣昧死請劓日立皇子閔為齊王旦為燕王胥為廣陵王四月丁酉奏未央宮六年四月戊寅朔癸卯御史大夫湯下丞相下中二千石郡太守諸侯相丞書從事下



當用者如律令三王同日立皆賜策各以國土風俗

申戒焉齊懷王賜策曰惟元狩六年四月乙巳皇帝

使御史大夫湯廟立子闕為齊王曰嗚呼小子闕受

茲青社

王者必五色土為太社封四方諸侯各以其方色土與之直以白茅歸以立社

朕承

天序維稽古法建爾國家封於東土世為漢藩輔鳴

呼念哉共朕之詔惟命不於嘗人之好德克明顯光

義之不圖俾君子怠悉爾心允執其中天祿永終厥

有愆不藏迺於乃國而害於爾躬嗚呼保國父民

可不敬與王其戒之

闕王夫人之子夫人趙人與衛夫人並幸闕且立為王其母病

武帝自臨問之曰子當為王欲安所置之王夫人曰陛下在妾又何等可言者帝曰雖然意所欲於何王

之王夫人曰願置之雒陽武帝曰雒陽有武庫敖倉

天下衡阨漢國之大都也先世以來無子王於雒陽

去洛陽余盡可王夫人不應武帝曰闕東之國無大

於齊齊東負海而城郭大古時獨臨蓄中十萬戶天

下膏腴地莫盛於齊者矣王夫人以手擊頭謝曰幸

甚王夫人死帝痛之使使者拜曰皇帝謹使使大中

大夫明奉璧一賜夫人為齊王太后燕刺王旦賜策曰嗚呼小子旦受

茲玄社建爾國家封於北土世為漢藩輔嗚呼薰鬻

氏虐老獸心以姦巧邊吐朕命將帥徂征厥罪萬夫

長千夫長三十有二師降旗奔師薰鬻徙城北州以

妥悉爾心毋作怨毋作棊德棊古匪字也匪非也毋乃廢備非

教士不得從徵正其戒之廣陵厲王胥賜策曰嗚呼

小子胥受茲赤社建爾國家封於南土世為漢藩輔

古人有言曰大江之南五湖之間其人輕心揚州保疆二代要服不及以正嗚呼悉爾心祇兢乃惠乃順毋同好逸毋爾宵人輕脫之貌相惟法惟則書云臣不作福不作威靡有後羞王其戒之

元鼎元年四月封城陽項王子昌為爽侯發為鉅合侯羗為昌侯方為箕侯澤為虓侯敢為原雒侯昆景為挾衍侯霸為挾釐侯讓為初侯光為文成侯雲為較靖侯餘為庸侯壽為翟侯應為鱣侯疆為彭侯息為瓠侯禹為虛水侯類為東淮侯賢為拘侯不疑為涓侯

七月封菑川靖王子何為陸元侯國為廣饒侯成為餅侯毋害為俞閭侯廣川膠王子聖為襄隄侯

四年嘗山王勃廢月餘以最親詔有司嘗山憲王早天后妾不知適孽誣爭陷於不義以滅國朕甚閔焉其封憲王子平三萬戶為真定王子商三萬戶為泗水王

元封元年五月封膠東康王子建為臯虞侯昌為魏其侯延年為祝茲侯

臣欽若等曰時武帝封齊孝王子為高乘侯失其名廣川惠王子則為參畝侯喜為寧波侯河間獻王子自為沈陽侯失年月

天漢四年六月封皇子壽為昌邑侯



征和元年封趙敬肅王子樂為栗侯周舍為汶侯起

為猗侯道為柳裴侯臣欽若等曰時武帝又封趙敬肅王子寬為漳北侯佗為南蠻

侯虔為南陵侯丹為鄣侯福為安檀侯當為爰成侯失年月

二年三月封中山靖王子屈釐為彭侯

昭帝始元五年六月封六安恭王子霸為松茲侯膠

東辰王子安國為溫水侯魯安王子臨朝為蘭旗侯

方山為容丘侯文德為良成侯

六年五月封清河綱王子祿為蒲領侯遷為南曲侯

長沙頃王子為高城侯

元鳳五年十一月封中山康王子喜為城侯廣川膠

王子吉為新市侯

六年十一月封城陽惠王子仁為江陽侯

宣帝本始元年七月詔立燕刺王太子建為廣陽王

立廣陵王胥少子弘為密王封廣陵厲王子聖為朝

陽侯曾為平曲侯昌為南利侯燕刺王子賢為安定

侯

三年四月封廣川繆王子寬為東襄侯

四年二月封中山康王子章為宣處侯

四月封清河綱王子寅為修市侯成為東昌侯豹為

薪鄉侯福為修故侯弘為東陽侯



五月封燕刺王子慶為新昌侯

地節三年四月封趙頃王子偃為邯鄲侯說為樂陽

侯廣漢為桑中侯嵩為張侯河間獻王子雍為景成

侯招為平隄侯佟為樂鄉侯瞻為高郭侯

四年二月封膠東戴王子光為樂望侯饒為成鄉侯

強為柳泉侯

元康元年正月封長沙頃王子延年為復陽侯度為

鍾武侯梁為高城侯

二年三月封六安夷王子賜為富陽侯

四月封昌邑哀王子賀為海昏侯

七月封平干頃王子敬為曲梁侯

三年四月立皇子欽為淮陽王

四年三月封貞定烈王子宣為遼鄉侯

神爵元年四月封膠東戴王子偃為新利侯

三年四月封廣川繆王子強為樂信侯元為昌成侯

七月封平江頃王子明為廣鄉侯慶為成鄉侯

四年三月封平干頃王子世為平利侯玉為平鄉侯

梁為平纂侯充為成陵侯廣川戴王子闢兵為西梁

侯

七月封廣川膠王子必勝為歷鄉侯平干頃王子田

為陽城侯

五鳳元年四月封平干頃王子仁為祿陽侯

七月封廣川繆王子朝為武陶侯

十二月封河間孝王子昌為陽興侯

甘露元年三月封中山頃王子安為利鄉侯

二年正月立皇子翬為定陶王

七月封趙頃王子景為都鄉侯

九月立皇子宇為東平王

四年二月封魯孝王子弘為昌慮侯

閏月封魯孝王子敞為平邑侯縮為山鄉侯遂為建

陵侯平為合陽侯強為東安侯當為城鄉侯咸為建

陽侯

十一月封城陽惠王子休為高鄉侯城陽荒王子弘

為茲鄉侯顯為籍陽侯丘為都平侯山為棗原侯文

為箕侯勲為高廣侯俊為即來侯

元帝初元元年三月封高蜜哀王子漢為膠鄉侯廣

川繆王子良為桃侯長沙孝王子習為安平侯宗為

陽山侯城陽荒王子談為庸侯光為昆山侯根為折

泉侯淵為博石侯勝為要安侯勇為房山侯憲為式

侯



五年六月封廣陽頃王子雲為陵鄉侯容為西鄉侯
 永光三年三月立皇子康為濟南王是月封廣陽頃
 王子嬰為益昌侯膠東頃王子回為佯石侯理為不
 鄉侯根為新城侯歛為上鄉侯泗水勤王子定為于
 鄉侯瑋就鄉侯城陽戴王子玄為石山侯音為都陽
 侯嗣為參封侯遷為伊鄉侯

五年三月封廣陽厲王子豐為襄平侯

建昭元年五月封梁敬王子平為貫鄉侯義為樂侯

延年為中鄉侯罷軍為鄭侯順為黃侯遷為平樂侯

就為菑鄉侯方為東鄉侯訢為陵鄉侯欽為溧陽侯

固為釐鄉侯發為高柴侯未央為臨都侯舜為高質

侯

二年六月立皇子與為信都王

陽朔二年徙為中山王也

四年六月封菑川孝王子譚為北鄉侯

五年十二月封廣陵孝王子宜為蘭陵侯德為廣平

侯

竟寧元年四月封六安繆王子交為博鄉侯趙哀王

子買為相鄉侯嘉為安鄉侯菑川孝王子便為廣釐

侯服為平節侯

成帝建始二年正月封膠東頃王子憲為昌鄉侯恭

冊府元龜 封建二 卷之三百六十三

為順陽侯獲為樂陽侯邑為平城侯林為密鄉侯訖
為樂東侯高密頃王子都為卑梁侯恁為膠陽侯慶
為武鄉侯安為成鄉侯賜為麗茲侯河間孝王子強
為竇梁侯

河平三年二月封楚孝王子勲為廣戚侯

陽朔二年正月封楚孝王子回為陰平侯

閏六月封淮陽憲王子訢為樂平侯

四年四月封魯頃王子閔為部鄉侯康為建鄉侯

鴻嘉元年正月封高密頃王子嘗為安丘侯

四月封東平思王子護為栗鄉侯頃為桑丘侯

二年正月封東平思王子宣為桃鄉侯

五月封魯頃王子永為新陽侯

四年六月封膠東恭王子慶為陵石侯

永始二年五月封梁夷王子賢為祁鄉侯

三年三月封東平思王子萌為富陽侯

六月封梁荒王子鳳為曲鄉侯

四年五月封城陽孝王子欽為桃山侯

是月封泗水戾王子霸為昌陽侯膠東恭王子閔為

臨安侯

元延元年二月封膠東恭王子煥為徐鄉侯

冊府元龜 宗室部

卷之三百六十三

二年正月封菑川孝王子畛為臺鄉侯

四月封東平思王子並為西陽侯

綏和元年正月封膠東恭王子恢為堂鄉侯

六月封趙恭王子吉為安國侯交為梁鄉侯福為襄

鄉侯強為容鄉侯固為蘊鄉侯河間孝王子賀為廣

昌侯普為都安侯永為樂平侯廣陽惠王子嘗得為

方鄉侯

是年七月封六安頃王子宰為庸鄉侯

哀帝建平二年五月封河間惠王子宇為南昌侯東

平煬王子信為嚴鄉侯璜為武平侯

四年三月封楚思王子曾為陵鄉侯授為武安侯

五月封長沙王子昌為湘鄉侯

元壽元年五月封廣陽繆王子嘉為方樂侯

二年四月封河間孝王子得為宣禾侯玄為富春侯

平帝元始元年二月封東平煬王子恢為桃鄉侯褒

為釐鄉侯旦為昌鄉侯鯉為新鄉侯楚思王子光為

部鄉侯武為新城侯豐為宜陵侯護為堂鄉侯繇為

成陵侯衆為成陽侯休為復昌侯平為安陸侯譽為

梧安侯充為朝鄉侯普為扶鄉侯淮陽憲王孫並為

高陽侯寵為平陸侯東平思王子不害為金鄉侯旦

為平通侯昌為西安侯開為湖鄉侯少為重鄉侯寄
生為陽興侯嘉為陵陽侯修為高樂侯閔為平邑侯
况為平纂侯輔為合昌侯開為伊鄉侯不害為就鄉
侯武為膠鄉侯恢為宜鄉侯豈為昌城侯禹為樂安

侯臣欽若等曰東平思王孫內各開
及不害者各有二人必有一誤

二年四月封廣陽繆王子宣為方城侯廣思王子益
為當陽侯建為廣城侯東平煬王子光為春城侯

五年閏月封長沙刺王子賞為昭陽侯景為承陽侯

貞定王子廣為信昌侯楚思王子尚為呂鄉侯殷為

李鄉侯隆為宛鄉侯承為壽泉侯遵為杏山侯

後漢光武建武二年四月封叔父良為廣陽王兄子

章為太原王兄續之子章弟興為魯王春陵侯敞子祉為

城陽王敞光武族兄也

五月封更始元氏王歙為泗水王歙光武族父歙子侍中

終為淄川王故貞定王楊子德為貞定王是歲封族

兄賜為慎侯順為成武侯順叔父弘子敏為耳泉侯

國為弋陽侯泗水王歙從父弟茂為中山王茂漢兵之起自

稱厭新將軍攻下潁川汝南
衆十餘萬人降光武故封之正為宜春侯五年徙廣

陽王良為趙王

十年封泗水王歙子輝為堂谿侯淄川王終子鳳為



曲陽侯

十三年封族兄嘉爲順陽侯城陽恭王祉子平爲蔡陽侯堅爲高鄉侯徙慎侯賜爲安城侯又封順陽侯嘉子廡爲黃孝侯更封中山王茂爲穰侯

十五年三月以大司馬吳漢上書請封皇子不許重奏連歲乃詔羣臣議大司空融固始侯通膠東侯復高密侯禹太嘗登等奏議曰古者封建諸侯以藩屏京師周封八百同姓諸姬並爲建國夾輔王室尊事天子享國永長爲後世法故詩云大啓爾宇爲周室輔高祖聖德光有天下亦務親親封立兄弟諸子不

違舊章陛下德橫天地興復宗統褒德賞勳親睦九族功臣宗室咸蒙封爵多受廣地或連屬縣今皇子賴天能勝衣趨拜陛下恭謙克讓抑而未議群臣百姓莫不失望宜因盛夏吉時定號位以廣藩輔明親親尊宗廟重社稷應古合舊壓塞衆心且請大司空上輿地圖太嘗擇吉日具禮儀制曰可四月戊申以大牢告祠宗廟丁巳使大司空融告廟封皇子輔爲右翊公英爲楚公陽爲東海公康爲濟南公蒼爲東平公延爲淮陽公荆爲山陽公衡爲臨淮公焉爲左翊公京爲琅邪公是年徙兄太原王章爲齊王

十七年十月進皇子右翊公輔為中山王食嘗山郡其餘九國公皆即舊封進爵為王
十九年六月詔曰春秋之義立子以貴東海王陽皇
后之子宜承大統皇太子疆崇執謙退願備藩國父子之情重从違之其以疆為東海王
二十年六月徙封中山王輔為沛王
二十八年徙魯王興為北海王
三十年四月徙左翊王焉為中山王是年封趙節王
栩三子為鄉亭侯齊哀王章子張為下博侯北海王
子復為臨邑侯又封安城侯子壽為白牛侯

中元二年封沛王輔子寶為沛侯魯王興二子為縣侯濟南王康子德為東武成侯

明帝永平元年封沛王輔子嘉為僮侯東平王蒼子二人為縣侯

三年四月封皇子建為千乘王羨為廣平王

七年徙廣平王羨為西平王

八年封阜陵質王魴弟十二人為鄉亭侯

十年封成武侯順弟子三人為鄉亭侯

十一年遣使手詔東平王蒼國中傳曰日者問東平王處家何等最樂王言為善最樂其言甚大副是要

腹矣今送列侯印十九枚諸王子年五歲已上能趨拜者皆令帶之

十四年封廣陵思王子元壽為廣陵侯服王璽綬食荆故國又封元壽弟三人鄉亭侯

十五年四月封皇子恭為鉅鹿王黨為樂成王衍為下邳王暢為汝南王昺為嘗山王長為濟陰王

十六年七月淮陽王延徙封阜陵王

十八年徙西平王羨為陳王是年封北海王基二弟為縣侯二弟為鄉侯

章帝建初二年封楚王英子楚侯种後徙封陸侯五弟皆

為列侯並不得置相臣吏人又封趙王栩十子為鄉亭侯

四年二月徙鉅鹿王恭為江陵王汝南王暢為梁王嘗山王昺為淮陽王封皇子伉為千乘王全為平春王

七年六月廢皇太子慶為清河王徙廣平王羨為西平王封琅邪夷王宇弟十三人為列侯

元和元年四月分東平國封憲王蒼子尚為任城王餘五人為列侯是年封琅邪孝王孫二人為列侯

二年五月徙江陵王恭為六安王是年封沛釐王定

第十二人爲鄉侯

章和二年徙封六安王恭爲彭城王

和帝永元二年五月分太山爲濟北國分樂城涿郡

渤海爲河間國封皇弟壽爲濟北王開爲河間王淑

爲城陽王

三年封趙王相三子爲亭侯

四年封中山王憲弟十二人爲列侯

五年正月封皇弟萬歲爲廣宗王

八年封阜陵王魴弟十二人爲鄉亭侯

十年封東平憲王蒼孫梁爲矜陽亭侯孝王敞弟六

人爲列侯

十一年封濟南簡王錯弟七人爲列侯

十二年封陳王鈞六弟爲列侯

蕃爲陽都鄉侯千秋
爲新平侯參爲周亭

侯壽爲樂陽亭侯實爲
博平侯旦爲高亭侯

十四年封任城王安母弟福爲桃鄉侯

十六年封東海頃王肅弟二十一人爲侯梁恭王堅

弟二人爲鄉亭侯

元興元年封趙頃王商四子爲鄉亭侯沛王正弟十

一人爲縣侯殤帝延平元年封和帝長子勝爲平原

王

安帝永初元年二月分清河國封清河孝王慶弟常保為廣川王是年封琅邪恭王壽弟八人為列侯

二年封淮南孝王香弟四人為列侯

三年封樂安王寵子延平為清河王

四年封任成王安弟元為當塗鄉侯

六年封彭城王恭子阿奴為竹邑侯

七年封陳敬王孫安國為耕亭侯

元初五年封陳考王道弟三人為鄉亭侯 丙為都鄉侯國為安

鄉侯丁為魯鄉侯 趙惠王乾二弟為鄉亭侯

永寧元年封濟北節王登弟五人為鄉侯皆別食太

山邑又封中山孝王弘弟為鄉亭侯

延元元年封河間王開子得為安平王

二年封琅邪貞王尊弟四人為鄉亭侯

三年封阜陵王恢兄弟五人為鄉亭侯北海王睦少

子為鄉亭侯

順帝永建元年封下邳貞王成兄弟二人及惠王衍

孫二人皆為列侯

二年封梁懷王正兄弟七人為鄉亭侯東海孝王臻

二弟敏儉為鄉侯淮王儀兄二人為鄉亭侯

五年封濟南王廣弟文為樂城亭侯

陽嘉元年封河間惠王政弟十三人皆爲亭侯下邳
愍王意弟八人爲鄉亭侯

永和四年立戰鄉侯安國爲濟北王

五年封琅邪安王據弟三人爲鄉亭侯

六年封中山穆王暢弟荆爲南鄉侯

質帝本初元年封彭城頃王定兄弟九人及趙惠王

乾一子濟北孝王次弟猛皆爲鄉亭侯

弘農王光熹元年封淮陽節王豹兄四人爲鄉亭侯

獻帝建安十六年九月庚戌立皇太子熙爲濟陰王

懿爲山陽王邈爲濟北王敦爲東海王

十八年徙封趙王珪爲博陵王

魏樂城侯洪太祖從弟漢末封國明亭侯文帝卽位

進封野王侯邑二千一百戶明帝時更封樂侯

長平侯休太祖族子文帝卽王位封東陽亭侯黃初

中進封安陽鄉侯明帝時更封長平邵陵侯貞太祖

族子漢末封靈壽亭侯文帝卽位進封東鄉侯明帝

時更封貞薨五子義訓則彥體弟彬皆爲列侯

任城王彰太祖子漢末封鄆陽侯黃初二年進爵爲

公三年立爲任城王彰薨子楷嗣徙封中牟五年改

封任城縣大和六年復改封任城國食五縣二千五

百戶

陳思王植太祖子漢末封平原侯又徙封臨菑侯黃
初二年除封鄆城侯三年立為鄆城王邑二千五百
戶四年徙封雍丘王太和元年徙封浚儀二年復還
雍丘三年徙封東阿太和五年冬詔諸王朝六年正
月其年二月以陳四縣封植為陳王食邑三千五百
戶

彭城王攄太祖子漢末封范陽侯又徙封宛侯黃初
二年進爵為公三年為彭陵王其年徙封義陽文帝
以南方下濕又以環太妃彭城人徙封彭城又徙封
濟陰時改封諸王為縣王攄改封定陶縣太和六年
改封諸王皆以郡為國攄復封彭城王景初正元中
累增邑并前四千六百戶

燕王宇太祖子漢末封都鄉侯又改封魯陽侯黃初
二年進爵為公三年為下邳王五年改封單父縣王
太和六年改封燕王景初正元中累增邑并前五千
五百戶

沛穆王林太祖子漢末封饒陽又徙封譙黃初二年
進爵為公三年為譙王五年改封譙縣七年徙封鄆
城太和六年改封沛景初正元中累增邑并前四千

七百戶

中山恭王衮太祖子漢末封平鄉侯又徙封東鄉侯其年又改封贊侯黃初二年進爵為公三年為北海王六年改封中山景初正元景元中累增邑并前三千四百戶

陳留恭王峻太祖子漢末封郟侯又徙封襄邑黃初二年進爵為公三年為陳留王五年改封襄邑縣太和六年又封陳留景初正元景元中累增邑并前四千七百戶

趙王幹太祖子漢末封高平亭侯又徙封賴亭侯其年改封弘農侯黃初二年進爵徙封燕公三年為河間王五年改封樂成縣七年徙封鉅鹿太和六年改封趙王景初正元景元中累增邑并前五千戶

楚王彪太祖子漢末封壽春侯黃初二年進爵徙汝陽公三年封弋陽王其年徙封吳王五年改封壽春縣七年徙封白馬太和六年改封楚

樂陵王茂太祖子漢末封萬歲亭侯改封平輿侯黃初三年進爵徙封乘氏公七年徙封中山太和元年徙封聊城公其年為王詔曰昔象之為虐至甚而太舜猶侯之有庠近漢氏淮南阜陵皆為亂臣逆子而

猶或及身而復國或至此而錫土有虞建之於上古
 漢文明章行之乎前代斯皆敦叙親親之厚義也聊
 城公茂少不閑禮教長不務善道先帝以為古之立
 諸侯也皆命賢者故姬姓有未必侯者是以獨不王
 茂太皇太后數以為言始聞茂頃來少知悔昔之非
 欲修善將來君子與其進不保其往也今封茂為聊
 城王以慰太皇太后下流之念正始五年徙封樂陵
 嘉平正元景元中累增邑并前五千戶
 北海悼王蕤文帝子黃初七年明帝即位立為陽平
 縣王太和六年改封北海正元景元中累增邑三千

五百戶

東武楊懷王鑿文帝子黃初六年立

東海定王霖文帝子黃初三年立為河東王六年改
 封館陶縣太和六年改封東海初正元景元中累增
 邑并前六千二百戶

元城哀王禮文帝子黃初二年封秦公以京兆郡為
 國三年改為京兆王六年改封元城王景初正元景
 元中累增邑并前四千五百戶

邯鄲懷王邕文帝子黃初二年封淮南公以九江都
 為國三年進為淮南王四年改封陳六年改封邯鄲

景初正元景元中累增邑并前四千四百戶

清河悼王貢廣平哀王儼並文帝子黃初三年封

明帝以黃初七年卽位立皇子冏爲清河王

太和三年九月立皇子穆爲繁陽王

青龍三年八月立皇子詢爲秦王

蜀井陵王永字公受先主子章武元年六月使司徒

靖

許靖也

立永爲魯王策曰少子永受茲青土朕承天

序繼統大業遵修稽古建爾國家封于東土奄有龜

蒙世爲藩輔嗚呼恭朕之詔惟彼魯邦一變適道風

化存焉人之好德世茲懿美王其秉心率禮綏爾士

民是饗是宜其戒之哉建興八年改封其陵

安平王理字奉先主子與永異母章武元年六月

使司徒靖立理爲梁王策曰小子理朕統承漢序祇

順天命遵修典秩建爾于東爲漢藩輔惟彼梁土畿

甸之邦民狎發化易遵以禮往悉乃心懷保黎庶以

永爾國王其敬之哉建興八年改封安平後主延熈

元年立子瑤爲安定王

十五年立子琮爲西河王

十九年立子瓚爲新平王

景耀二年六月立子湛爲北地王恂爲新興王虔爲

册府元龜

封建二

卷之三百六十三

上黨王

吳大帝黃武五年封從父弟英為沙羨侯

七年三月封子慮為建昌侯

赤烏五年八月立子霸為魯王

大元二年正月立故太子和為南陽王

和赤烏五年立為皇太子

後被廢至是封爵

居長沙子奮為齊王居武昌

廢帝五鳳中封魯王霸子甚為吳侯壹為宛陵侯

景帝永安元年十一月封太子和子德錢唐侯謙永

安侯

後主皓元興元年十月封景帝太子暉為豫章王次

子汝南王次子梁王次子陳王

臣欽若等曰按吳志休四子長名暉字簡

次名暉字彛次名鉅字品次名寇字癸


建衛元年正月立淮陽東平王

鳳凰二年九月改封淮陽為魯東平為齊又封陳留

章陵等九王凡十一王王給三千兵

天紀二年七月立成紀宣威等十一王王給三千兵

四年春立中山代等十一王



册府元龜

宗室部

御書

御書

御書

御書

御書

御書

御書

御書

御書

御書

御書

御書

御書

御書

御書

御書

御書

御書

御書

御書

御書

